

# UMT perluas projek tanam melon manis Terengganu

BH 20/5/2024 m/s 21

Projek terima tajaan Dana Pembangunan Usahawan Bumiputera 2020

Oleh Amirul Salam Hasan  
bhpendidikan@bh.com.my

**Kuala Terengganu:** Universiti Malaysia Terengganu (UMT) memperluaskan lagi projek tanaman buah melon manis Terengganu (MMT) sejajar dengan penobatannya sebagai buah ikon negeri itu pada 2017.

UMT dalam kenyataan media-nya berkata, usaha memperluaskan saiz projek penanaman itu adalah di bawah tajaan Dana Pembangunan Usahawan Bumiputera 2020 (DPUB2020), Kementerian Ekonomi, yang berperanan memperkasa agenda ekonomi dan sosio ekonomi bumiputera dalam pembangunan negara.

Melalui dana ini, UMT membi-  
na 17 unit rumah pelindung hujan

lengkap dengan sistem fertigasi pada tanah berkeluasan 1.5 ekar bagi menampung 6500 polibeg di Kampus UMT, Bukit Kor Marang.

Ketua Projek Bahagian Agro Dana DPUB2020, Prof. Madya Ts Dr Wan Zaliha Wan Sembok, berkata projek itu membabitkan enam orang peserta daripada golongan B40.

"Ia digerakkan pada skala kecil ketika ini sebagai penanda aras kemampuan untuk pengeluaran yang lebih besar.

"Penanaman MMT sebanyak 4000 polibeg dimulakan pada bulan Februari 2024 dengan hasil yang diperoleh mencecah tiga tan.

"Seterusnya projek ini akan

diperluaskan kepada komuniti di daerah lain seperti Kuala Nerus, Marang dan Merang sekiranya sambutan serta jualan melebihi permintaan," katanya.

## Tiga tan pengeluaran

Wan Zaliha berkata, pengeluaran sebanyak hampir tiga tan pada peringkat awal adalah pencapaian yang cemerlang bagi mereka yang belum pernah menanam MMT.

Katanya hal ini disebabkan antara cabaran besar penanaman MMT adalah serangan kera dan monyet. Jadi, terdapat keperluan untuk pemasangan pagar elektrik sebelum musim penanaman akan datang bermula.



Sebahagian daripada hasil tuai yang berjaya dikutip